

南潯志卷四十八

里人周慶雲纂

集詩一

次龐夷簡禮部兼寄近況

歸安趙孟頫子昂

故山深處桂陰濃，雲碓無人水自舂。
玉友一樽為老伴，木奴千樹當侯封。
宦途坎壈謀身拙，病骨支離觸事慵。
早挂一帆歸去好，五湖煙景最情鍾。

末云園丁遠報山園久，蕪水碓空設不覺。
悵然興秋風之感，足下先隱湖潯，愚達倍蕙僕從之。
晏矣不勝祇服檢得示韻，奉酬言不盡意。
陝帖模糊內司本近值湧，覓昇元本報奉孟頫頓首。

南潯志

卷四十八

集詩一

一

感懷呈龐夷簡修撰并柬張幼度附柬

臨海陳孚剛中

夷簡太史足下，昨得寄張應奉書，識視禮部事柄鑿居半及讀與趙承旨詩，入章又夢落松陵，茗水間矣。煙水漁村不換燕市，惟盧彥威識得此意，不意承旨亦處濃慕澹也。興言及此，望雲之思，惟僕最切。第恐執政不諒，兩人耳外呈二詩見僕於禁直岑岑，良苦夫復何言。友孚載頓首。

濫直承明署，身閒似地仙。雖無官長罵，未敢酒家眠。
瘦已寬朝服，貧須乞俸錢。最愁親舍遠，夢繞白雲邊。
五湖煙浪闊，短棹早歸休。有母思臣密，無人問客周。
關河雙鬢

晚風雨一燈秋留取金鑾夢寒汀對白鷗

潯南書事

長洲虞 堪克用

偶卽潯南地川原路欲蕪老翁行乞食稚子幼難扶未放開河
卒猶差守戍夫爲農那可卜愁我老江河

施架閣池上夜飲聯句

潘公穎明發將歸

前人

糟頭醪醕倒不盡池上梅花開欲齊今夕好懷良足慰穀百年

哀樂若爲題銀燈絢

一作

席珊瑚爛

敏

綵筆聯詩錦繡迷細雨

作花簷際落

堪

清歌如縷拍中低渾忘司馬青衫溼

穀

似聽宮

鶯綠樹啼公子金猊燒篤耨

敏

美人犀筋勸駝蹏也知北海能

豪傑

堪

況有東方善滑稽腰細舞低翻弱柳

穀

手織盃重壓柔

黃先判五夜同傾倒

敏

未信三邊尙鼓鼙倏忽年華梁旦暮

堪

南潯志

卷四十八

集詩一

二

風流人物晉東西江湖空闊鴻偏到

穀

梧竹高低鳳獨棲乘興

放船來笠澤

敏

散愁投轄憶潯溪襟期久矣

一作

交如漆

堪笑

諛

一作

積然醉似泥潮漲空灘移舴艋

穀

雨晴何處看鳧鷖會

須發達攄幽憤

敏

慎勿登臨動慘悽失喜今宵是何夕酒闌起

舞忽聞雞

堪

按敏疑公穎名然汪志則考爲呂敏字志學無錫人元末爲道士洪武初官無錫縣學教諭著無礙

居士詩集攷虞山人詩有與呂志學夜坐詩此敏卽呂敏也穀姓氏無攷又虞山人詩作穀鼓柝稿作谷亦未知孰是

徐士原畫

潯陽張羽來儀

營邱老仙百世師後來學者有郭熙寒林平遠世豈有往往贗
本傳其疑吳興徐卿好心手貌得郭熙定眞否二三隱人長松
下茅屋正對青山口前者迴顧後者恭抱琴偃僂隨孤童世間
豈復有此輩定是栗里柴桑翁請君更試虎頭筆爲寫我像參

其中

贈袁子永之戍湖州三首

屠應竣

弱齡事篇翰與子諧所歡同芳握蘭蒞偶德與璠彈冠入鼎
門振衣陟華軒皇心苟予顧白首諒無愆風波起中道行路一
何難子行戍故越予留滯幽燕孤雲易流邁獨波不成瀾艱危
各異勢繾綣何由宣贈子別鵠操報我以孤鸞

之子產南岳倜儻非凡才荆璞夜投人按劍忽相猜禍患固有
期讒言啟之階秋風振林木蒼莽晨光開驪駒儼在駕執手有
餘哀君子敦素節在遠分彌諧小人實狗華居親志恆乖願保
金石軀不以秋草衰

清清涇水流百折猶不溜松柏有本性風雨寧瘁之執德苟無
南溟志

卷四十八

集詩一

三

爽患難非所期得時騁騏驥失意爲龍蛇石室無銘功名山有
藏書子行慎自力吾亦反吾廬

同胥臺月下小酌漫書以識

施儒

袁子高情不耐炎琴書攜就法華庵深深桑園塵蹤遠寂寂雲
房睡味甜壁上詩篇遺妙訣月中尊俎動清酣經綸事業還應
舊潦倒丘園我獨甘

董太史過吳門見訪

皇甫汈

予告賦閒居多情訪敝廬交因忘世滅禮覺候門疏酒伴芳林
下琴心茗水餘還邛寧久滯明主待相如

溇陽太史見示擬大閱頌愛而賦之

蔡汝楠

玉堂朝罷自委蛇秋日抽毫賦所思細柳營中臨大駕黃花鎮

外警諸夷六軍猛氣纔能見萬乘英聲正在茲若比子虛憑獻
納定知明主幸同時

雪中柬董編修

前人

長安羈客逢殘臘莊舄愁來祇自歌花發江南鄉信杳雪飄苑
外暮寒多舊班無復鷓鴣爲侶虛館還兼雀可羅君自同心最相
憶一瓢春酒興如何

寄懷董潯陽太史

前人

天上離羣倏暮春江南薊北隔音塵論交鮑叔偏知我推轂祁
奚不避親蒼水自隨移跡遠黃麻行見沐恩深濟時異日資元
老莫道衰頽是舊臣

用韵贈荅潯陽太史

王維楨

南潯志

卷四十八

集詩一

四

敢向驂騑爭並驅天衢獨步果難如九重空愧金門詔雙管眞
憐太史書歲月鬢毛吾入老斗牛劍氣爾衝墟故廬西嶽三峰
下思跨茅龍上太虛

董宗伯用均貽示買山梅溪之作用韻奉懷

吳維嶽

看山清曉露華侵路入鄣南洞壑深不向丹爐探大藥誰知紫
綬背初心酒依蘭蕙多香氣琴出松篁少俗音磊落新篇求友
切草堂今許踏花尋

奉和大宗伯董公返棹之作

吳郡

王世貞

元美

初疑興盡子猷還咫尺清茗未可攀日暮碧雲離合際江秋紫
氣有無間勞公郢里歌中雪念我祇園夢裏山莫笑野人虛擁

簪至今猶自埽柴關

早秋奉候董潯陽卽席賦

沈桐

已從綠野賦歸來更築行窩傍水隈
罨畫雲山聯几席繞隄煙樹隱樓臺
楸枰乍試鶯聲囀午篆初消鶴夢迴
珍重晉公林臥穩莫教文象動三台

送員嶠溫少司成之南都五律

沈聖岐

童子論交三十年賢甥似舅復聯翩
國人矜式吾茲羨宅相眞成世所傳
舊日朋遊皆北面一時文戰有中權
可思修竹山牕下相對寒宵擁褐眠

割青亭上玄武波齋閣參差水樹多
曉帳橫經深雨露秋牕讀易長煙蘿
頻年鷗海盟難定一日鴻達羽若何處
固無心出有

南潯志

卷四十八

集詩一

五

爲應知王略在編摩

辟水滌紆面面通陪都禮數特優崇
門徒惟識陽城教胄子先論典樂功
集類飛鴉音自好談經五鹿角誰雄
君行萬里煙霄路只在宮牆數仞中

誰是知津卻問津回瞻林鹿自姓姓
君眞特達圭璋者吾乃嶽寄厯落人
清世英雄猶口口舊京車馬豈無塵
好將壯盛酬明主蚤共煙波理釣綸

離筵殘月夜盈盈飄底秋晴去鷓輕
昔以長饑縈絨冕今從小草戀平生
牽裾未了斑衣慕投壁偏深白水盟
莫向天涯頻屈指秣陵雲樹總關情

聞溫長卿杜門攜酒慰之

吳夢陽

知君安可使君孤兀兀持來酒一壺何謂清朝居拙宦有言今夜告潛夫重檐燈火風侵得小院堦除月到無笑我強稱筋力健出門騎馬不教扶

讀董伯念傳慨然有作

并序

黃汝亨

伯念董祠部弱齡奮跡三十登壇華胄高門藝雄詞長而且約身敦素士之風抗疏標直臣之節一劍足酬萬金立散可謂清朝之仗馬濁世之栖鳳而生不逢辰才不展志摧殘市虎偃蹇人龍向平之懷未紓長卿之病竟廢海內之士莫不憐其芳潔悲其所遭而吾友薦卿其舅氏也既抱才士之痛復深渭陽之情哀集遺文更立小傳情詞俯仰慄有生氣余于伯念氣疎跡親九原不作手讀一過風雨淩集不勝河山之感聊代長歌之泣云爾

南潯志

卷四十八

集詩一

六

嗟吁伯念宗伯之孫給諫兒魁壘落拓聞當時一棺戡身都已矣千秋令譽良在茲痛君有臂不可把讀君遺事泪俱下世人富貴何所爲詎如抱蠶負薪者生前踔厲凌高雲死後凋殘挫原野古來其盡何足論但令骨朽名猶存向平損益見何遠虞卿窮愁遭其屯千言語主主不悟萬金散人人無恩腕屍長安去死路挂冠雪下辭生門生門死路空中花文彩風流落齒牙曠士爭誇祠部節俗人羞問尙書家憶昔臥牀對君面雙眸爛爛如掣電一夜西風白晝陰可憐相思不相見那家殄瘁人云亡束芻挂劍徒爾傷有舅文章甥不死始信情深是渭陽

留京會同館云沈萬三故居感賦

海寧談遷

雁翅檜珠子柏蓮房玉蕊醒酒石平泉草木不一存贊皇當日
愁遷客何況當年一布衣陶朱荷頓徒陳跡華居彷彿儼梯仙
梯仙國宮室金埒溝口洪武年名珍異寶人不識笑破石崇碎
城樓俱金玉十尺東第王侯媿比肩驕奢已見餘空宅綠苔繡戶少人行明
月流光穿獸脊歌樓舞榭雜飛塵遺笛聲聲怨趙倫敗虜不知
家易盡啼鴉猶訴故園春

河南道御史公署牡丹云國初沈萬三遺種

前人

麗錦穠妝怨洛陽主人金谷早荒涼幾家富貴長春色何處樓
臺繞古香天寶醉吟誇禁苑元和遺事記興唐興唐寺牡丹一叢元和中著花

南溟志

卷四十八

集詩一

七

一千二江南花木多消歇可耐西臺老帝鄉

贈董六退周

范汭

春來春去總無端別院沈沈獨倚闌風抑疎花仍怯晚雨撩纖
柳不勝寒離情泣向緘中訴怨色偷從鏡裏看咫尺巫陽峰十
二片雲還往若為難

送顧寧人之茗上

上元王潢元暉

良史才名未可刪天心命爾試諸艱休云六代轅顏謝直取三
長駕馬班燦燦春華榮槁木煌煌夏鼎燭神姦書成自指茗溪
水一片丹誠告蔣山君僑寓蔣山沈登瀛按顧先生應吾溥莊氏之聘

送黃九煙先生

吳江潘鏐雙南

對酒真傷萬古心驅歌初動氣蕭森月明天與人同醉歲暮情

將海其深世路不須悲險阻丈夫應自識升沈潯南歸去還高
臥書滿牀頭雪滿林

和黃九煙先生見贈原韻

前人

人肉啄饑爲兵戈正目前世情波已逝天意月將圓治亂何嘗
定遭逢聽自然向來多感慨杯酒漫留連

花朝江郢上招同閔湘人蔣前民吳叔子集貊其堂分賦

前人

共是他鄉客江淹喜見招冰霜矜歲月天地老漁樵才子詩干
首高人酒一瓢芳菲今漸好莫負百花朝

同黃九煙先生及程未能江右李集蔣前民漢書屋

前人

南潯志

卷四十八 集詩一

八

秋光今日似春光紅葉黃花滿夕陽天地有心酬晚節琴書無
恙老他鄉客來茅舍塵氛遠酒蕢隣家野味香煙水荻蘆三徑
好過門應自愧求羊

冬至同杜蒼畧黃仙裳閔湘人鄒乾一諸子餞黃九煙先

生旗亭同用首句

前人

旗亭握手盡詩人萍聚邗關快飲醅月照素心成彥會風吹華
髮半遺民高天釀雪容偏黯大地回春氣欲新明日片帆江上
去伯勞飛燕重傷神

白門黃九煙前輩貽詩十首口號八首答之

長洲尤

侗 西堂

絕塞關山記夢遊黃榆風雪捲羊裘十年放逐同塵土花發江

南人白頭

天語曾傳別殿中茂陵松柏已秋風彈琴賣賦人誰問老去相

尋亡是公

來詩有遭際依稀似長卿之句

少年放筆任頽唐雁字天邊留幾行不道子雲耽寂寞有人載

酒問西堂

黃香名字我嘗知何意逢人說項斯萬嶺梅花蕭寺雨南潯江

上寄題詩

知公已是古先生三十年前雁塔名老向荒村作教授角巾顛

倒飽藜羹

半生漂泊逼衰頽家在吳頭楚尾間五嶽空懷禽向志籃輿只

到一衡山

君楚人而居吳有南嶽紀遊

南潯志

卷四十八

集詩一

九

老僧四壁畫西廂我亦秋波戲擅場君更淋漓成六首放開色

膽大文章

來詩云秋波一轉有奇文君亦作六首

遲我談心二十年眾人欲殺我猶憐從今相樂還相泣慷慨悲

歌黃九煙

懷人詩

九首之一

吳縣

徐

枋

昭法

月老名南潛靈巖嗣卽茗上舊名士董若雨也亂後隱

潯溪既版靈巖卽嗣法與予最善向年冒雨訪予於萬

峯

茗嘗多隱淪沉冥老湖浦吾子繼風流登樓掩蓬戶只此避世

翁已足高千古忽復歸靈巖棄家露法乳出世復無倫居處龍

象伍一鳴契真如法音震天鼓與予敦素交氣味芳蘭杜褰裳

枉相存芒鞋踏寒雨何爲茲數年不得親玉塵

哭徽州司理温寶忠

郡城李令哲霜同

轟傳壯口凜如生脰絕猶能兩眼瞳妻女死方成眷屬男兒到此是功名篋中三尺淬何銳膝下雙珠匿自口幾箇士師能抗節頓教青史重烏程

哭温寶忠先生

嚴啟隆

予當膠庠時與子亦落落獨以聲氣求後先非寂寞荏苒三十載俗學鶩糟粕子氣轉驍騰子文豈落魄逮乎丙子秋遭遇見作略執手語河梁告我前夢惡前夢乃云何萬事都飲啄慰我羈暮魂飲子清涼藥癸未南宮開子名訛謫達受令司理還顧我念藜藿相勗有芻言相願故不薄子知我意深拊曾訂一諾

南溟志

卷四十八 集詩一

十

豈意天地傾宮闕成鮒涸新安萬壑中鐵騎踐城郭抽劔抉妻孥半世酬一鏹鼎鼎共百年斯人乃震焯
温寶忠殉節新安族姪元爽經紀其喪率其子天壁扶櫬歸里感而賦此

吳世濟

天荒地老更何論千古難銷碧血痕差喜阿咸敦氣誼亂山深處獨招魂

聽盡聲聲杜宇啼黃山斜赴浙江西問君關外將何物百尺遺書一跛奚

酬陳霽山

吳江潘耒稼堂

栗里遺民去不還剛逢一老水雲間著書富欲追繁露琢句清堪步小山世味淡時堅道骨機心盡後駐蒼顏五君向秀須參

預不與山王一例刪

聞董若雨祝髮於靈巖感賦

金鏡

五車猶未足方外問三車西國添高弟南天失巨儒乍聞悲喜集轉念信疑俱自顧頭顱直何為遂不如

故是再來者因緣亦會時若非天反覆未免世推移念本由忠激身隨以奮飛曾聞無數佛血性一男兒

鶯湖晚眺同誦孫宿宮

松陵 潘檉章 力田

攜手暮何之滄茫泛碧漪迴湍激岸遠孤月出雲危蘭若中流動漁燈隔浦移棹歌都有意清絕竹枝詞

暮秋懷董誦孫二首

前人

同是五湖閒輕船隔往還浮雲心欲競片石影俱頑天遠歸鴻南溟志

卷四十八 集詩一

十一

斷門深落葉關何由見顏色佳句肯時頒

古寺松風夜淒涼醉共僧獨漉歌猶在千秋事更增新霜黃入橘曉月白連藤不盡懷人意還思賦大鵬誦孫去秣圓通禪房頗久故云末句用李

白賦大鵬遇希有鳥事見誦孫與余傾倒者至也

鄴衣至溇與談近事有感

吳江 包 咸 自根

別離秋欲晚南北尚鳴笳雨闊三江水霜催九月花青溪空落日白下走寒沙逐鹿應難定相看惜鬢華

閔孝子詠

歸安 吳 晉 介 茲

古來忠孝節義之事並起于一念之血誠至于成敗利鈍非所計也閔孝子當父垂死而毅然剖胸割肝以救之此真足以動天地蓋古今矣而論者以父卒不起為

憾此出于孝子引慝之誠則可若旁人以此苛求則必其父永不死則必孝子先其父以死則必其父每一病至孝子一割肝而父之壽算無疆孝子之心肝有盡而空腹槁形以死非篤論也世界不墜賴此等人凡有心者可無詠歌以永其事乎

汪志按晉撰閔孝子傳云父病霍然而此云父卒不起互

異

墨胎叩馬諫不能挽頽商武侯出師表無裨漢淪亡事皆人力所難濟師心創獲奮若狂深悲極痛在一時千古藉以維綱常世儒理道膠心腹周身矩度安且詳動云守身以觀變作事無令元氣傷一朝時艱及勢阻依違傳會多徬徨坐令大地病頑儒盧扁無以起膏肓寒夜挑燈論今古如意敲碎愁茫茫吁嗟南溟志

卷四十八

集詩一

三

乎閔孝子目不見書史口只談農桑披肝瀝膽奇絕事胡爲乎不在通都大邑而挺生于寂寞之窮鄉吁嗟乎安得一掃天下學士大夫奄奄泉下之習氣而徧灑以孝子熱血之一腔

袁孝子詩

嘉善沈 裘 燦英

孝道本庸不尙奇奇處偏從真處爲創格一空千載上區區只有鬼神知吾聞汝南袁孝子清操往往聞鄉里早年喪偶王維榻同居有弟姜肱被其他志節難具陳感天孝行情彌真孝子少年有奇遇道人持贈醫家具金刀銀鍼及仙方但云寄汝杳然去種就杏林家漸充自謂奉母免尸饗豈知奇遇非偶爾曲成孝行荷天公阿母抱病病綦篤呼天搶地噉然哭倏傳夢語病可蘇不是龍肝命不續孝子聞言且忖量徧訪醫書總未詳

世上人間無此藥我欲求之誰可告念我生庚原屬辰龍肝直
欲取諸身況逢仙授有金刀仙方鍛鍊有神膏取肝憑仗仙人
力非此何以報劬勞宵來歸向房中宿對天坦露皤然腹持藥
持刀默禱天剗然一割隨瞑目氣息奄奄一綫爭空中彷彿有
人聲爾欲取肝肝既有醒來伊喔聞鷄鳴俯視胸前血未乾突
出猩紅半片肝奇哉肝若從天與縫卻創痕勉強起嗚呼噫嘻
袁孝子古來剗股能有幾況是剗肝不顧身母子安全俱不死
豈忘髮膚在歸全當日專求母病痊療得膏盲心願愜頓忘曾
氏頌冰淵此事隱諱密且周強自支吾舒母憂親戚兄弟都不
聞從此增年到白頭竭來潛德祕莫宣剗口淋漓未泯然一朝
顛躓傷痕裂元神未復轉纏縣醫來那得知其故再三叩詰稍
南潯志

卷四十八

集詩一

十三

吐露此時子弟皆在傍耳聞不覺淚如注孝子還恐母心傷戒
言慎勿語高堂醫者大聲告親知非當之孝人難爲一時傳誦
到官府縣令羅公深異之到門訊驗長太息急急表揚邊敢遲
官司旌額重紛紛大書特書志乘文要使維風且振俗絕裾之
子聞未聞孝子初心不及此祇求療母延暮齒母體差安兒亦
安外來旌揚何足喜孝子盡孝不愛身愛身便不得其真區區
一心聊自盡爲智爲愚向誰陳

南潯田烈女詩

錢塘厲鶚 鶚 樊榭

儂住潯溪上郎家共里闕掌珠祥入夢冠玉弱知名半面期幽
壤雙飛誓隔生朱絲曾約髻畢命託精誠

贈董君性存疊前韻

卽贈董傳經

嘉定 錢大昕 竹汀

幾時消息到秦樓容易韶光春復秋半甲赤繩遲繫足十年黃
卷負埋頭還家有夢身仍滯旅館思親淚暗偷老我境窮君莫
問商量拚醉掃頑愁

五君詠 錄二

歸安 嚴遂成 海珊

元晏叩其刃昇之溺於水云何邁斯疾夢夢窺天咫昔人廢蓼

莪今人廢茱萸

董扶搖遭惡疾多年而卒

算盡復誰代並舉枝連芬樂爲哀所奪起起龍蛇聞九原不可

作誰歟定吾文

董渭璫兩子相繼歿甲子兩子同登賢書

贈潯溪董承餘秀才

前人

紫旆之背峰儼如望而知其爲承餘對人默塞數龜息市上禹
步姑徐徐置之邱壑入畫格枯木竹石神清虛平生多病病亦

南潯志

卷四十八 集詩一

十四

善前讀前漢後漢牛溲馬勃敗鼓皮入手幻成錦繡段江楓
霜赤鱸魚香一牛鳴地潯之陽片帆刺岸舍館定流汗奔琢根
瓊琅統如鼓殘壁燈滅三點五點懸星光搏桑日出人鼾睡履
聲橐橐聞繞牀主家老嫗竊相謂謂此贏者無乃狂聞我打包
告歸去意殊戀戀無別語目送孤鴻啣葦花飛入煙深不知處

懷人詩六首 錄一

前人

雁聲吹墮朔雲堆髯也無年首重回昨歲似聞中散病青山不
待巨卿來破除生業書偏富慰藉人遊子尙才地下若逢姚合

逸問黃蒿如柱粉如灰

謝散木余在山西聞其凶問

前懷人十六首 錄一

前人

沈沈兵衛寢凝香巾角彈棋妙擅場從小便知偉節怒老來始

悔次公狂

余行

空池舊夢無春草散木

文若

孤墳又夕陽生怕

絕交書不免竹林例得斤山王

董芭堂太守潯溪荷花池余妹壻董經遠所居與羣從唱和處

芭堂年最少氣適上雅以奔自負余被酒亦得狂名皆與謝三文若善今風流雲散或墓木已拱而余老矣芭堂新遷武定

病鳳謠為建平公舅祖作也公氏陸名士涓庚辰進士以

建平縣知縣罷歸余少頽放不為親族知識獨公獎借過

當於其病廢謠此以唁之

烏程

凌樹屏

保釐

有鶴生東南冰魂而雪魄賦形苦不全曠懷寄廣漠瑄瑄躍叢

林斥鷃互相嚇獨有威鳳姿乃復頗相惜謂鶴本淩雲胡為落

空碧努力願自愛慎無失所託一朝騰輝光風塵安可縛鶴時

聞此言感泣淚濇落舉首為長鳴面承色無怍不料丹穴王漸

苦小兒虐雙飛橫九州宛轉失其隻爾來未十年旋復傷兩翮

南溟志

卷四十八

集詩一

十五

兩翮縱已傷神明幸不惡頗能識妍媸定勝彼啞啞眾鳥且勿

誼讓渠占阿閣鶴亦從之遊羽毛待梳掠

顧節婦潘氏

前人

清秋徂東訪舅氏吳興老翁迎門窺手持一卷冰蘖字授我乞

作節婦詩我詩要為不苟作安能鑿空言支離篝燈午夜輒捉

管知翁真樸不我欺節婦之節果誰右一百年來嗟未有門楣

曾託安仁家生世空為彥先婦願隨弱壻拚紅顏定為孀姑成

白首未亡仍在立孤難有終還代懸封厚哀鵲茹荼兩不疑縷

鬣行夫豈私我覽此卷三歎息窮鑄敢惜孱豪施因思我舅

有世母

余外祖妣陸太孀人葬三喪亦與節婦同

高節台與相扶持昌黎不作隴西

逝更誰傳此磨穹碑

送董生歸南潯

前人

董生囊無陸買千金裝亦不至家徒司馬四壁立愾然捲被辭
弟昆從我秀州把古汲汲古亦何好我方窮餓荒江道董生此
意良獨堅萬眾不挽出峽船媿我於生了無益紙窗相對徒逼
窄又恐明年捉將官裏去欲倒壺盧向誰擲丈夫有志事竟成
積絲爲錦筵化楹柯古小年還作劇達夫壯歲終成名尊聞行
知古有是人生何必常相處西山有白雲南雪有幽渚置身於
其間足可窮豪楮感生殷勤爲生云雖復老生之言差可取臘
月過歸且閉門磨穿鐵硯彼何人何況生是詩翁之子尙書孫

壽董南谷孝廉五十

前人

老息圖南翅相看鬢欲皤淵深繁露學愁絕采芣歌前輩風流

南潯志

卷四十八

集詩一

十六

在平生意氣磨幸逢覽揆日一笑失重疴

失喜神猶王應憐志已灰那堪貧復病空負望兼才有鬼長摩

足沈舟自過梳壽垣列三宿

謂皋懷昆季

差復慰崔隤

哭董南谷丈

前人

間世董夫子今成汗漫遊龍頭先喪管鼎足竟亡劉

丈嘗言吾湖不乏詩

人郡城以東勢分鼎足其一蓋自謂其餘則嚴望都遂成及予書祇供兒讀文終爲鬼口名題
鄉進士口末也應愁

送陸生嵩高歸南潯

前人

送君逢至日媿我尙離羣別緒愁添綫歸心卻望雲便嗟遊侶
盡都恐惡言聞好醞南潯酒明年此共醺

董若雨漏霜茗帚遺像是呂海山所畫

烏程

嚴可均鐵橋

風景河山劫後灰小庵豐草破書堆祇應淨掃興亡恨安穩蒲團入定來

若兩名說後為僧名南潛有豐草庵詩集

蘇臺柳枝詞和周雨舫

烏程陸樹德 滋田

長洲苑外雨空濛短簿祠前鬪晚風一路笙歌人不見畫船多在綠陰中

題周君雨舫遺照

郡城高 湘蘆洲

長松百尺撐青天飛泉萬丈懸秋煙高風古意沒幽谷無人省識相留連周子瑰奇清且賢枕流漱石塵中仙棄置草中雜瓦礫璞玉居後燕石前溥南無屋家無田磬懸壁立常蕭然偶爾揮毫出新意閒雲孤鶴爭秋妍與余相識十餘年彈棋讀畫相周旋姑胥臺畔生公石坐看浮雲過眼邊今君先着蓉城鞭我南溥志

卷四十八

集詩一

十七

獨困守塵囂緣忽展此圖覲君面淚珠迸落如流泉疎林修竹水清漣恍猶相對鳴朱絃君試開軒掃花徑我將追步同高眠雲山縹緲景澄鮮靜如太古天始全君能作畫我飲酒萬事悠悠盡棄捐

題董鑄范文

蠡舟

冬釭永慕圖

德清戴 蕓秋憶

寒雲沈沈壓茅屋屋裏寒燈耿一粟有人病骨方支牀悲從中來淚盈掬悲莫悲兮護花傾北堂日冷風淒清斷機殘綫盡無恙母氏遺跡猶分明嗚呼此時此境難為情

哀難忘寓以畫此慕成終天天心亦何隘寄我斯圖託雙鯉使我淚下不能已小人有母病不起奄逝已經隔年矣天板板空號呼形杳杳空追慕篝燈猶憶教之無每一回憶淚眼枯傷心

況復披君圖

此恨竟長抱天道真休論此身更何事足慰泉下人祇餘顯揚志萬一酬親恩讀書致身期有補走肉行尸安足數不然閉戶勤清修曾史卿雲並千古紛紛世俗聲利儔將無貽親之羞忝厥祖嗚呼此念良可悲無此一念生奚為燈光黯黯藏深帷思君之慕重自思探懷伸紙抒哀詞然乎否乎君思之

題汪謝城日積詩集

海寧許光清 芟

歡愉辭難工詩工多在窮古人雖有言要由過不同我懷昔湮鬱讀書君見疑君情今感慨乃于詩見之交遊其推服題語致稱揚豈不能附益知非君所望詩本道性情可以當晤言書來有此語我亦以為然君意探絕學不苟事詞章經術既抉奧推

南溟志

卷四十八 集詩一

六

步復求詳而我慵且拙百業百不成一語還詢君何執以成名

楊秀才鳳苞遺像陳上舍經索題

嚴元照

碧梧萋萋高十尋書窗日午常陰陰誰歎撫卷此晏坐太息斯人空苦心撐腸磊落書萬軸語笑從來不諧俗槃中鮭菜三韭供鏡裏頭顱十年禿仲翔元是老經師東野諒非軒冕族恨無定本傳千古剩有詩聲馳九牧我昔少年有狂名意氣往往陵公卿便民橋畔識君面君居南溟便民橋君正壯年已老成窮靡豈足當大敵見君敢不跪且擎菴畦老去王豫姚世鈺死吳孝廉蘭

庭史丁教授杰經皆已矣作者何人識古風此老無慚稱繼起

誰向襄陽訪蒼舊他日豈無習鑿齒訣別城南日暮雲去年春

疾入城君訪子寓寢門一慟死生分門生尙有侯芭在更買青樓此後不復相見

山爲起墳上舍頃謀買地歸雲庵側葬君

題湖社懷賢圖

前人

郭外林亭好當年有勝遊浮雲辭冕紱佳日愛春秋
粉梓流風替丹青小劫留因懷趙徵士終老狎沙鷗烏程趙徵士金隱居南溇劉顧兩尚書招

之入社不赴事見靜志居詩話

沈秀才哇書來言於道場山訪得明溫忠烈公璜之墓作

詩寄之 前人

勝國遭末造吾鄉三忠臣烈愍公覺先而後忠介公後復有溫淮

官推官殉徽州妻女皆投繯碧血之所闕乃在城南山實惟不

食地平曠無林巒哀湍自響谷荒草長於人棚民所盤踞狂

作比隣幸有道旁碣大字猶未刊碣云明崇禎癸未科進士文林郎徽州推官寶忠溫公夫

南溇志 卷四十八 集詩一 九

妻母女同殉國難之始知一抔土中藏萬古冤歲月幾遷賢百墓姻眷弟吳時亮立

有七十年夜雨泣山鬼麥飯無耳孫好義有沈子家在何山前

百里叩蓬闈爲我述所聞中酒不能飲涕下紛紛潛再拜告沈

子及此墓未湮願君策杖去勿惜登頓煩沈子領其頤歸去不

浹旬書來無他語此事觀縷陳言曾挾山僧窈窕尋澗源拜起

徒彷徨夕陽在榛菅四顧莽無人芻蕘無可詢開緘再三歎中

夜寢不安忠節孰不欽況在鄉先賢春秋感霜露無人薦蘋蘩

是固吾黨責檢校諒不難礪瘠二三畝買以充祭田年年寒食

雨煙柳搖春妍招要同懷子一尊酌墓門實惟重名教非徒慰

英魂吾病久憊憊茲懷尙勤勤裁詩報我友知我所思存空言

慎勿嗔余襟良已殫

題潯溪雙烈圖

閩縣 沈瑜慶 愛蒼

烈女姓孫雲亭之女庚申粵亂年皆及笄隨親避兵鄉
間旋寇至二女同時投河自盡寇退得二女屍竟聯結
一處遂合葬焉其父繪圖徵題以誌哀思

古井千秋定不波廿年空谷記牽蘿賢翁大有傷心處未忍丹
青着墨多

路繞茗溪日又斜天南烽火客無家里閭未改承平舊零落春
風姊妹花

恩勤風雨感漂搖翦紙幽魂尚可招不枉女中能競爽衷忠竹
帛太平朝

犒軍簪珥信州城天語猶嘉大義明先太夫人佐先公信州城
守奉旨有深明大義之獎

南潯志 卷四十八 集詩一 三
事有至難天幸爾黃山谷中
興頌詩句為君根觸寫雙貞

題前圖 吳縣 吳大澂 清卿
回首庚申事可悲從來巾幗有鬚眉南林河畔斜陽路應為雙
貞豎一碑

彤管流芳志乘誇披圖老父尚咨嗟秋風秋雨啼鵑血點滴旋
前姊妹花

題吳興朱稼軒海角圖 平湖 劉其清 蘊山
江山如待我萍跡驚勾留此外疑無路何人獨倚樓途窮天地
小潮撼古今愁鄉國頻回首蒼茫雲海秋

味古太世丈借張少蘭浚塵遺枉過寓齋適少泉亦至即

同小飲喜成一律 婁縣 或 義 寅谷

蓬巷蕭條生事微，攜竿日向釣魚磯。蘆花秋岸鷗相狎，楓葉江村蟹正肥。幽客忽來新舊雨，小窗共簇畫圖圍。太世丈少蕭塵，遺皆精鑒賞索。

余舊藏書畫，展玩竟日。逋翁老去清癯甚，梅鶴偷閒好息機。

故鄉一別幾經年，中酒情懷各黯然。短褐杜陵嗟落魄，長齋蘇

晉愛逃禪。塵遺是日持齋。籬邊黃菊田園夢，江上紅旗鼓角天。聞道婁

東連報捷，幼安喜欲舞尊前。時嶧城初復，進攻婁東。

奉題董小颿所藏頻羅庵燼餘印痕

君家文敏有書癖，摹古直奪古人席。今君鐵筆亦入神，置之秦

漢幾亂真。天寒歲暮來乳水，與我論交獨知己。袖中忽出名山

藏，五雲煥作雲霞光。名公鉅手爭點筆，寶勝梁家未焚日。我慚

老大百不能，敢令燕雀追鷗鵬。詩成一笑為君寫，何處飛鴻鳴

南溟志

卷四十八 集詩一

月下

題梁氏燼餘印痕冊為小帆作

德清 戴銘金 銅士

石交當日締頻羅。山舟學士自號頻羅菴主。紙角鈐紅感舊多。黃小松司馬奚鐵生處士

陳曼生大令俱歸道山。鐵筆忽遭回祿厄，幸留拓本重摩挲。

紀董謂瑄董蠡舟藏書

長洲 葉昌熾 菊裳

太卜三夢先致觥，鄭人訟鹿更迷離。撥灰縮柏何須爾，轉瞬鐘

鳴欲覺時

兩浙輜軒錄董燧字謂瑄一字訥夫烏程人諸生雍正甲寅

薦博學鴻詞著南江詩文集陳世修序略曰謂瑄沈靜嗜學

家富藏書又嘗遊其外王父曹秋岳先生之門倦圃所藏人

一聞不經見書謂瑄獨窺之故學有原本昌熾案倦圃之增名

師植字聖衣一字汾園烏程諸生亦見輜軒錄 張鑑夢好樓記周官太卜掌三夢而列子六候與經不異三曰思五曰喜其爲氣淫於藏則有餘於內不足於外一也里中有沈默之士曰董子鑄范讀書志古不慕榮祿於書靡不窺而猶病其藏家之少闕市之淺顏其所居之樓曰夢好斐几竹榻百城南面以寄其深愛篤嗜之思 又云自宋歐陽氏信齋然日本古文之說而後之託安國孝經以暨毛漸三墳豐坊魯詩不一也以子之夢其必撥灰縮粕神遊域外將遠駕乎皇侃論語義疏七經孟子攷文之足貴不大快歟 又云余曩在琅嬛仙館校文瀾閣未收之書得百有數十種皆非世所經見心欲抄其副而苦無力然則余之核不過一夢而子今之夢又焉知不爲得鄭人之鹿者耶鑄范名蠡舟烏程人爲余同年雲帆先生子世家舊姓近見其藏書目所得蓋不少矣遂爲之記

紀劉舜輝藏書

前人

社酒唐華憶討春舊遊如夢復如塵蛛絲馬蹟緣沿得好鳥飄風變幻頻

兩浙輜軒錄補遺劉桐字舜輝一字疏雨烏程貢生著有楚遊草楚遊續草聽雨軒橐 張鑑瞑琴山館藏書目序疏雨雄於貲而多家累年未三十卽棄舉業遠遊楚余課誦其家積十餘載之久疏雨歸則與談杭州谷林堂趙氏暨揚州玲瓏山館馬氏之耽書好客未嘗不神往焉乾隆壬子癸丑間

疏雨旣以藏書自任吾湖固多賈客織里一鄉居者皆以備書爲業出則扁舟孤棹舉凡平江遠近數百里之間簡籍不脛而走蓋自元時至今幾四百載上至都門下迨海舶苟得一善本蜘蛛絲馬蹟緣沿而購取之故吳門萃古齋旣名聞當世而下此如竹垞經義攷所云坊朋賈友亦不可枚數疏雨旣好書而余又適館其家堂構閒曠每夏秋之交設長筵廣座名花異卉駢列左右主人命門者延若屬呼儔嘯侶至卽十餘輩余課經之暇亦相與商榷是非書旣山積眞贗參半鑒別不易其時同人之與疏雨洽縞紵者如楊秋室范白舫計秋琴蔣嗜山間亦過從或有所得傳觀以爲賞析自此疏雨之書固已不啻數萬卷矣如是者有年適值盧氏抱經堂

吳氏瓶花齋讐校精本散出四方於是疏雨所收之富又越從前數倍癸亥之秋一病遽歸道山其家不能收拾子幼爲人熒惑舉十餘萬卷之書一旦畀之他人秋室題其身前訪書圖云自古圖書厄多經劫火亡未聞豪賈奪舉作債家藏洵實事也飄風好鳥變幻若此斯可歎矣今年余病肺倦遊過白舫齋頭則所藏舊目與估估帳籍宛如昨日痛盛遊之難再悼勝賞之莫償失今不治并有與此目同歸漸滅者因破十日之功與白舫秋琴嗜山訪其大略編爲一目知其中實有足以備金匱石室之講求啟陳農苗發之夢想者豈第王涇大唐郊祀一錄同於煙銷灰燼屈指其間不過二十餘載世故之難問已如此之速可勝道哉此書之失不特吾人

同社眼福之薄卽謂吳興山水精英不能蘊此奇觀以供後來之挾摘奚不可也疏雨姓劉氏名桐援例授州司馬暝琴山館其所居東廂藏書之地 王翰青鄂舟過劉疏雨書齋詩幾年羈旅隔天涯心每相親跡甚賒衝凍徑來謀社酒討春先喜見唐華水精簾卷明於月雲母窗虛白勝紗裊拙定慚珠履客墨莊偏許問籤牙 嚴可均題劉小夢憶書圖冊君家疏雨吾好友積書之癖與吾同別來江子亭邊樹終古山陽笛裏風人有微名都折福世間豪舉總成空祇今說着眠琴館卅六年前一夢中

白舫仁兄工詩餘屬製花笑頤填詞圖復賦一絕句嘉慶己巳仲春作於漢上之聽雪樓 按圖藏慶雲處 黃均 穀原

南潯志 卷四十八 集詩一

畱

湖山石畔隱花移椀茗爐香琢句時為寫桃腮紅欲笑分明解唱藥莊詞

題范白舫花笑頤填詞圖

章藩 山甫

好花一笑思愈鮮知君詞與花爭妍問花何笑笑君癡癡吟花裏輒晨夕紅雨亂飛茆檐春閉門卻掃霞牋擘平生美好百不知正以嗜古成貪癡吳興記錄手編緝珠囊珊瑚網收靡遺等身著作樂無倦直欲磨穿青鐵硯人生精力能有幾安得恣君苦研鍊況我與君家茗溪胡為遠遊來蜀西君不見清遠湖山入畫稿水晶宮裏歸去好何如高挂洞庭颿長作吾鄉風月老